

Powšitkowne WOZJEWJENJA

njedźelu, 19. apryla 2026

Nabožne wusyłanja w serbskim rozhłosu

Prědowanje w MDR serbskim rozhłosu ma tutu njedźelu, 19. apryla, Radworski farar Beno Jakubaš. Wotkaz na nabožne wusyłanje w mediatece MDR je pod www.posol.de podaty, zdobom chowa so za QR-codom.



Požohnowanje motorskich

Popołdno z požohnowanjom motorskich zahaji so tutu njedźelu, 19. apryla, w 14.00 hodź. z nyšporom w Ralbičanskej cyrkwi. Přizamknje so zhromadny wulět.

Ekumeniski nyšpor

W Chróšćanskej wosadneje cyrkwi budže štwórtu jutrownu njedźelu, 26. apryla, w 14.00 hodź. ekumeniski nyšpor, hromadže z ewangelskej wosadu ze Smječkec. Po tym su wšitcy na zhromadne popołdno na farje přeprošeni.

Wotewrjenje sezony

Miłočanski Křescansko-socialny kubłanski skutk z.t. přeprošuje zhromadnje z klóštrum Marijinej hwězdu na wotewrjenje sezony do Zežiwjenskeho a zeloweho centruma w Pančicach-Kukowje, kotrež budže njedźelu, 26. apryla, w 14.00 hodź. Mjez druhim chcedža wosycu (Zitterpappel) – „štom lěta“ sadzić. Tež za džěci změja pisany program. Na nalětnich wikach budu regionalne produkty poskićeć. Runočasnje wotewrja wustajeńcu „Klósćerska zahroda w změnje (po)časow“.

Putnikowanje wujednanja do čěskich Hejnic

Wěriwi z Němskeje, Pólskeje a Čěskeje su sobotu, 9. meje, na putnikowanje wujednanja do čěskich Hejnic přeprošeni, wuraznje tež Serbja. Boža mša w hnadownej cyrkwi Marije wopytanja zahaji so w 10.30 hodź. Hłowny celebrant budže swjećacy biskop Piotr Wawrzynek z Legnicy. Hejnicy přislušeja Litoměřickej diecezy, kotraž swjeći lěto wujednanja. Z tym chcedža tež na wuhnaće Němcow z Čěskeje před 80 lěty spominać a dialog mjez krajomaj podpěrować.

Prózdnińska jězba za 4. do 8. lětnik

Na jězbu do Zhorjelca su šulerki a šulerjo nětčišeho 4. do 8. lětnika w lětnich prózdniach přeprošeni. Wona wotměje so wot pónđzele do pjatka, 3. do 7. awgusta. Swójški přinošk na wobdźělnika wučinja 130 eurow. Přizjewjenja přijimuju hač do pjatka, 1. meje, online. Link na wotpowědnu stronu je pod www.posol.de wozjewjeny.

Pasionske hry w Awstriskej

Radworske Šmitec-Schwarzec busowe wozydłownistwo přeprošuje na putniku jězbu k pasionskim hram do awstriskeho St. Margarethena, kotraž so wot pjatka do wutory, 26. do 30. junija, wotměje. Předstajenje budže tam pod hołym njebjom před kulisu skały. Jězbu přewodźeć budže farar Gabriš Nawka. Nimo toho poskićuju kołojezby. Zajimcy móža so pola Šmitec-Schwarzec wozydłownistwa w Radworju přizjewić, telefonowe čisło (03 59 35) 28 60. Městna su hišće swobodne.

Na musical „Jesus Christ Superstar“

Dalša jězba Radworskeho Šmitec-Schwarzec busoweho wozydłownistwa pod hesłom „Wěra zetka hudźbu“ budže wot póndžele do štwórtka, 10. do 13. awgusta, do Erfurta. Wobdžělnicy wopytaja mjez druhim klóšter awgustinow a tamniši měšniski seminar. Dale wobdžěla so na Erfurtskich domowych swjedženskich hrach, hdžež předstaja musical „Jesus Christ Superstar“. Přizjewjenja přijimuje Šmitec-Schwarzec wozydłownistwo w Radworju, telefonowe čisło (03 59 35) 28 60. Městna su hišće swobodne.

Oratorij „Nalěčo“

Z wulkim orchestrom a chórom Budyskeho Serbskeho ludoweho ansambla, z chórami Budyšin, Lipa, Meja a Łužyca kaž tež ze solistami Danielu Hazec, Stefanie Hauptfleisch, Patrikom Hornákom a Clemensom Heidrichom zaklinči w jónkrótnej konstelaciji oratorij „Nalěčo“ Korle Awgusta Kocora a Handrija Zejlerja. Předstajenja su planowane pjatk, 24. apryla, w 19.30 hodž. w Budyšinje kaž tež sobotu, 25. apryla, w Drježdžanach a nje-dželu, 26. apryla, w Choćebuzu, a to w 17.00 hodž. Kartki předawaja mjez druhim online na internetowej stronje Serbskeho ludoweho ansambla. Link je pod www.posol.de wozjewjeny.

Zawod do tematiki lětušich nabožnych prózdniškich dnjow

Drježdžansko-Mišnjanske biskopstwo poskičuje tež lětsa zaso zawod do tematiki nabožnych prózdniškich dnjow. Přenje tajke zarjadowanje budže póndželu, 11. meje, wot 18.00 do 21.00 hodž. na Budyskej farje. Dalše je mjez druhim srjedu, 27. meje, w Drježdžanach planowane. Zdobom poskića zamołwići zawod tež online přez platformu Zoom, a to štwórtk, 28. meje, wot 18.00 do 21.00 hodž. Přizjewjenja přijimuju online. Link k tomu kaž tež k dalšim informacijam je pod www.posol.de podaty.

